



KENYATAAN MEDIA

KEMENTERIAN EKONOMI
JABATAN PERANGKAAAN MALAYSIA

Blok C6 & C7, Kompleks C,
Pusat Pentadbiran Kerajaan Persekutuan, Presint 1,
62514, Wilayah Persekutuan Putrajaya
No. Telefon : 03 - 8090 4681

INDEKS HARGA PENGGUNA, MALAYSIA OGOS 2025

Inflasi Malaysia meningkat 1.3 peratus pada Ogos 2025

PUTRAJAYA, 23 September 2025 – Inflasi Malaysia meningkat 1.3 peratus pada Ogos 2025 dengan mata indeks mencatatkan 134.9 berbanding 133.2 pada bulan yang sama tahun sebelumnya. Jabatan Perangkaan Malaysia (DOSM) melaporkan hari ini mengenai keluaran **INDEKS HARGA PENGGUNA (IHP), OGOS 2025**.

Peningkatan ini telah didorong terutamanya oleh peningkatan lebih tinggi kumpulan Insurans & Perkhidmatan Kewangan, 5.6 peratus (Julai 2025: 5.5%); Penjagaan Diri, Perlindungan Sosial & Pelbagai Barangan & Perkhidmatan, 4.0 peratus (Julai 2025: 3.9%); Restoran & Perkhidmatan Penginapan, 3.5 peratus (Julai 2025: 3.1%); Pendidikan, 2.4 peratus (Julai 2025: 2.2%); Makanan & Minuman, 2.0 peratus (Julai 2025: 1.9%); Rekreasi, Sukan & Kebudayaan, 0.9 peratus (Julai 2025: 0.8%) dan Hiasan, Perkakasan & Penyelenggaraan Isi Rumah, 0.2 peratus (Julai 2025: 0.1%). Sementara itu, kumpulan Perumahan, Air, Elektrik, Gas & Bahan Api Lain, 1.2 peratus (Julai 2025: 1.3%); Kesihatan, 1.1 peratus (Julai 2025: 1.2%); Minuman Alkohol & Tembakau, 0.4 peratus (Julai 2025: 0.6%) dan Pengangkutan, 0.2 peratus (Julai 2025: 0.4%) menunjukkan peningkatan perlahan berbanding Julai 2025. Sebagai tambahan, Maklumat & Komunikasi dan Pakaian & Kasut masing-masing kekal berada pada jajaran negatif iaitu negatif 5.6 peratus dan negatif 0.1 peratus.

Ketua Perangkawan Malaysia, Dato' Sri Dr. Mohd Uzir Mahidin menyatakan bahawa 59.7 peratus item (342 daripada 573) merekodkan kenaikan harga. Namun begitu,

daripada jumlah tersebut, 332 item (97.1%) mencatatkan peningkatan kurang atau sama dengan 10 peratus, manakala hanya 10 item merekodkan kenaikan melebihi 10 peratus pada Ogos 2025. Baki sebanyak 185 item (32.3%) menunjukkan penurunan dan 46 item kekal tidak berubah.

Kumpulan Makanan & Minuman yang menyumbang 29.8 peratus daripada keseluruhan wajaran IHP meningkat 2.0 peratus pada Ogos 2025 berbanding 1.9 peratus pada bulan sebelumnya. Inflasi subkumpulan Makanan di luar rumah kekal dengan kadar 4.3 peratus seperti yang dicatatkan pada bulan sebelumnya. Manakala, Makanan di rumah menurun kepada negatif 0.1 peratus pada Ogos 2025 (Julai 2025: -0.3%). Ini disumbangkan oleh penurunan kelas perbelanjaan Sayur-sayuran (-6.5%); Susu, produk tenusu lain & telur (-1.4%); Buah-buahan & kacang (-0.7%); Bijirin & produk bijirin (-0.6%) dan Daging (-0.5%). Namun begitu, beberapa kelas perbelanjaan menunjukkan peningkatan pada Ogos 2025 seperti Ikan & makanan laut lain (2.3%); Minyak & lemak (1.4%) dan Gula, manisan & pencuci mulut (0.6%).

Kelas perbelanjaan Sayur-sayuran menurun kepada negatif 6.5 peratus pada Ogos 2025 (Julai 2025: -6.6%). Antara sayur-sayuran yang merekodkan penurunan adalah Bawang merah besar, negatif 24.1 peratus (Julai 2025: -24.1%); Tomato, negatif 12.9 peratus (Julai 2025: -22.1%); Bendi, negatif 12.2 peratus (Julai 2025: -5.1%); Bunga kubis, negatif 10.3 peratus (Julai 2025: -9.4%); Sawi, negatif 9.8 peratus (Julai 2025: -9.0%) dan Bawang putih, negatif 9.6 peratus (Julai 2025: 6.4%).

Selain itu, kelas perbelanjaan Daging turut menurun kepada negatif 0.5 peratus pada Ogos 2025 (Julai 2025: -0.9%). Daging ayam segar yang merupakan komponen terbesar (32.6%) dalam kelas perbelanjaan Daging meningkat kepada 0.2 peratus (Julai 2025: -0.6%). Berdasarkan pengumpulan data oleh pihak DOSM, purata harga Ayam standard Malaysia pada Ogos 2025 adalah RM10.17 sekilogram berbanding RM10.15 sekilogram pada bulan Ogos 2024 (Julai 2025: RM10.25). Manakala, purata harga Ayam standard di Semenanjung Malaysia bagi Ogos 2025 adalah RM9.33 sekilogram berbanding RM9.27 sekilogram pada Ogos 2024 (Julai 2025: RM9.43). Selain itu, inflasi kelas perbelanjaan Daging turut disumbangkan

oleh Daging lembu tempatan dan Bahagian ayam yang kekal pada jajaran negatif, masing-masing mencatatkan negatif 3.9 peratus (Julai 2025: -4.2%) dan negatif 1.9 peratus (Julai 2025: -2.1%).

Sementara itu, kelas perbelanjaan Ikan & makanan laut menunjukkan peningkatan kepada 2.3 peratus pada Ogos 2025 berbanding 1.8 peratus pada bulan sebelumnya. Ini disumbangkan oleh Ikan nyok-nyok (14.8%); Ikan siakap (7.2%), Ikan tongkol (6.1%), Selar (5.6%) dan Sotong (4.3%). Subkumpulan Makanan di luar rumah kekal 4.3 peratus pada Ogos 2025. Antara item yang mencatatkan kenaikan pada Ogos 2025 ialah Sate (4.9%), Nasi babi panggang (4.6%), Masakan daging (4.6%), Masakan ayam (3.9%), Nasi campur (3.8%) dan Martabak (3.6%).

Inflasi bagi kumpulan Perumahan, Air, Elektrik, Gas & Bahan Api Lain meningkat dengan kadar perlahan sebanyak 1.2 peratus berbanding 1.3 peratus pada bulan sebelumnya. Peningkatan ini didorong oleh subkumpulan Elektrik, gas & bahan api yang menurun kepada negatif 4.5 peratus pada Ogos 2025 (Julai 2025: -3.4%). Penurunan pada subkumpulan ini adalah didorong oleh pengemaskinian kadar Pelarasan Kos Bahan Api Secara Automatik (AFA) yang dikenakan ke atas pelanggan domestik di Semenanjung Malaysia bagi penggunaan lebih daripada 600 kilowatt per jam (kWh), yang akan menerima rebat sebanyak 1.45 sen/kWh bagi tempoh 1 hingga 31 Ogos 2025 berbanding AFA pertama yang dikenakan pada tempoh 1 hingga 31 Julai 2025. Pengemaskinian ini mengurangkan purata nilai tarif elektrik berbanding tempoh sebelumnya. Namun begitu, pengguna domestik dengan penggunaan 600 kWj dan ke bawah kekal tidak terjejas.

Sementara itu, subkumpulan Penyelenggaraan, pembaikan & keselamatan rumah kediaman dan Bekalan air & pelbagai perkhidmatan berkaitan dengan rumah kediaman masing-masing meningkat kepada 4.9 peratus (Julai 2025: 4.7%) dan 2.6 peratus (Julai 2025: 0.5%). Kerajaan negeri telah mengemukakan permohonan kepada Suruhanjaya Perkhidmatan Air Negara (SPAN) bagi pelarasan tarif air baharu atas dasar keperluan rakyat untuk mengukuhkan lagi keupayaan perkhidmatan bekalan air terawat. Lima negeri iaitu Johor, Kedah, Melaka, Pahang dan Terengganu telah melaksanakan pelarasan tarif air baharu ini berkuatkuasa mulai 1 Ogos 2025. Manakala, beberapa negeri lain akan dijadualkan pelaksanaan tarif air baharu pada

1 September 2025 iaitu Negeri Sembilan, Perlis, Selangor, Wilayah Persekutuan Kuala Lumpur dan Wilayah Persekutuan Putrajaya.

Inflasi kumpulan Pengangkutan menyederhana kepada 0.2 peratus pada Ogos 2025 (Julai 2025: 0.4%). Walaupun subkumpulan Pengurusan peralatan pengangkutan persendirian meningkat kepada 0.4 peratus berbanding 0.3 peratus pada Julai 2025, penurunan subkumpulan Perkhidmatan pengangkutan awam kepada negatif 0.2 peratus (Julai 2025: 1.5%) telah mengimbangi peningkatan kumpulan ini. Selain itu, subkumpulan Perkhidmatan pengangkutan barangan merekodkan peningkatan lebih perlahan kepada 0.1 peratus pada Ogos 2025 berbanding 2.0 peratus pada Julai 2025.

Kedua-dua inflasi bahan api Petrol tanpa plumbum RON97 dan Diesel masih kekal pada jajaran negatif iaitu negatif 9.2 peratus (Julai 2025: -7.8%) dan negatif 5.7 peratus (Julai 2025: -7.1%). Purata harga Petrol tanpa plumbum RON97 pada Ogos 2025 ialah RM3.15 seliter berbanding RM3.47 seliter pada Ogos 2024 (Julai 2025: RM3.20). Sementara itu, purata harga Diesel di Semenanjung Malaysia adalah RM2.90 seliter berbanding RM3.27 seliter pada Ogos 2024 (Julai 2025: RM2.89). Manakala, purata harga Diesel bagi Sabah, Sarawak dan Wilayah Persekutuan Labuan kekal pada RM2.15 seliter.

Kumpulan Insurans & Perkhidmatan Kewangan mencatatkan peningkatan pada 5.6 peratus pada Ogos 2025 berbanding 5.5 peratus pada Julai 2025. Peningkatan ini adalah disebabkan oleh kenaikan Caj premium insurans untuk kereta kepada 1.7 peratus berbanding 1.3 peratus pada bulan sebelumnya. Caj premium insurans faedah hospital dan Premium termasuk caj perkhidmatan insurans untuk motosikal/skuter kekal pada kadar yang sama seperti bulan sebelumnya masing-masing pada 14.7 peratus pada 1.8 peratus. Di samping itu, kumpulan Restoran & Perkhidmatan Penginapan turut meningkat lebih tinggi pada kadar 3.5 peratus (Julai 2025: 3.1%). Ini disumbangkan oleh subkumpulan Perkhidmatan penginapan yang meningkat tinggi kepada 2.3 peratus (Julai 2025: 1.0%).

Ketua Perangkawan Malaysia, Dato' Sri Dr. Mohd Uzir Mahidin turut menambah, berhubung dengan inflasi di peringkat negeri, 10 negeri merekodkan peningkatan di

bawah paras inflasi nasional, 1.3 peratus dengan Kelantan merekodkan inflasi terendah (0.1%) pada Ogos 2025. Walau bagaimanapun, empat negeri merekodkan peningkatan melebihi paras inflasi nasional iaitu Johor (2.0%), Selangor (1.5%), Terengganu (1.5%) dan Negeri Sembilan (1.4%). Kesemua inflasi Makanan & Minuman mencatatkan peningkatan dengan peningkatan tertinggi dicatatkan oleh Negeri Sembilan dan Wilayah Persekutuan Labuan pada 3.0 peratus. Ini diikuti oleh Selangor (2.8%), Wilayah Persekutuan Putrajaya (2.8%), Terengganu (2.6%), Melaka (2.4%), Johor (2.3%), Wilayah Persekutuan Kuala Lumpur (2.1%) dan Pahang (2.0%), manakala, negeri-negeri lain menunjukkan peningkatan di bawah paras inflasi nasional bagi Makanan & Minuman (2.0%) pada Ogos 2025.

Inflasi keseluruhan secara bulanan meningkat 0.1 peratus pada Ogos 2025 berbanding Julai 2025. Peningkatan ini didorong oleh Maklumat & Komunikasi (0.8%) dan Restoran & Perkhidmatan Penginapan (0.4%). Inflasi kumpulan Perumahan, Air, Elektrik, Gas & Bahan Api Lain; Rekreasi, Sukan & Kebudayaan; Pendidikan dan Penjagaan Diri, Perlindungan Sosial & Pelbagai Barangan & Perkhidmatan meningkat pada 0.2 peratus. Sementara itu, penurunan kumpulan Pengangkutan kepada negatif 0.1 peratus sedikit sebanyak mengekang kenaikan inflasi daripada meningkat lebih tinggi. Inflasi teras meningkat lebih tinggi pada 2.0 peratus pada Ogos 2025 berbanding bulan sebelumnya (1.8%). Peningkatan ini didorong oleh kumpulan Insurans & Perkhidmatan Kewangan (5.6%); Penjagaan Diri, Perlindungan Sosial & Pelbagai Barangan & Perkhidmatan (4.0%); Restoran & Perkhidmatan Penginapan (3.5%) dan Makanan & Minuman (3.4%).

Bagi perbandingan inflasi dengan negara-negara terpilih, inflasi di Malaysia (1.3%) lebih rendah berbanding inflasi di Viet Nam (3.2%), Indonesia (2.3%) dan Republic of Korea (1.7%). Manakala, kadar tersebut lebih tinggi berbanding Thailand (-0.8%) dan China (-0.4%).

Kepengerusian ASEAN-Malaysia 2025: Jabatan Perangkaan Malaysia (DOSM) akan mempengerusikan Jawatankuasa Sistem Statistik Komuniti ASEAN Ke-15 (ACSS15) yang bertujuan untuk memperkukuh kerjasama statistik ke arah pembangunan serantau yang mampan.

Embargo: Hanya boleh diterbitkan atau disebarkan mulai jam **1200, Selasa, 23 September 2025**

Malaysia buat julung kalinya telah menduduki tangga pertama (1) di peringkat global dalam laporan dwi-tahunan *Open Data Inventory* (ODIN) 2024/25 yang dikeluarkan oleh *Open Data Watch* (ODW), mengatasi 197 negara lain. Pencapaian ini merupakan lonjakan ketara daripada kedudukan ke-67 dalam penilaian ODIN 2022/23.

Kerajaan Malaysia telah mengisytiharkan 20 Oktober sebagai Hari Statistik Negara (MyStats Day), dengan tema 'Statistik Nadi Kehidupan.' Sementara itu, Hari Statistik Dunia Keempat akan disambut pada 20 Oktober 2025 dengan tema '*Driving Change with Quality Statistics and Data for Everyone*'.


OpenDOSM NextGen adalah medium yang menyediakan katalog data dan visualisasi bagi memudahkan pengguna menganalisis pelbagai data dan boleh diakses melalui portal <https://open.dosm.gov.my>.

Dikeluarkan oleh:

**PEJABAT KETUA PERANGKAWAN MALAYSIA
JABATAN PERANGKAAN MALAYSIA
23 SEPTEMBER 2025**


Embargo: Hanya boleh diterbitkan atau disebarikan mulai jam 1200, Selasa, 23 September 2025

Carta 1 Inflasi Bulanan Malaysia, Januari 2011 – Ogos 2025




Nota: *Purata inflasi bagi tempoh Januari 2011 hingga Ogos 2025

Carta 2 Inflasi Malaysia, Inflasi Teras dan Inflasi Tanpa Bahan Api, Ogos 2024 – Ogos 2025




Carta 3 Inflasi bagi Kumpulan Pendapatan Bawah RM3,000, Ogos 2024 – Ogos 2025




Carta 4

Inflasi Suku Tahunan Malaysia, ST1 2011 – ST2 2025




Carta 5

Inflasi Tahunan Malaysia, 2011 - 2024




Carta 6

Inflasi mengikut Kuadran, Julai 2025 & Ogos 2025




Carta 7

Taburan Inflasi Makanan dan Bukan Makanan yang Meningkat $\leq 10\%$, Julai 2025 & Ogos 2025




Carta 8

Purata Harga Petrol Tanpa Plumbum RON95, Petrol Tanpa Plumbum RON97 dan Diesel, Ogos 2024 – Ogos 2025




Carta 9

Inflasi mengikut Kumpulan Utama, Julai 2025 & Ogos 2025




Carta 10

Inflasi bagi Makanan & Minuman, Ogos 2024 – Ogos 2025



Carta 11

Inflasi mengikut Negeri, Julai 2025 & Ogos 2025




Nota: W.P. merujuk kepada Wilayah Persekutuan

Julai 2025 | Ogos 2025

Carta 12

Inflasi bagi Negara Terpilih, Ogos 2024 – Ogos 2025




Embargo: Hanya boleh diterbitkan atau disebarikan mulai jam 1200, Selasa, 23 September 2025


Carta 13

Harga Komoditi Terpilih Global


Minyak Mentah (AS\$/bbl)




Gas Asli (Indeks 2010=100)




Minyak Sawit Mentah (AS\$/mt)




Jagung (AS\$/mt)




Daging (AS\$/kg)




Daging Ayam (AS\$/kg)




Kacang Soya (AS\$/mt)




Gandum (AS\$/mt)



Gula (AS\$/kg)



Minyak Kelapa (AS\$/mt)



■ Harga komoditi dunia (AS\$) — Peratus perubahan tahun ke tahun

Sumber: Commodity Monthly Prices, World Bank

Nota:


Bbl : Brazilian Butt Lift (barrel) (1bbl = 159 litres)

Mt : Million Tonne

Mmbtu : Metric Million British Thermal Unit

Carta 14

Peratus Perubahan Indeks Harga Pengeluar (IHPR) Pengeluaran Tempatan, Malaysia



Carta 15

Peratus Perubahan Indeks Harga Pengeluar (IHPR) Pengeluaran Tempatan mengikut Sektor (Tahun ke Tahun), Malaysia

